



IBU PEJABAT MARITIM NEGERI JOHOR
AGENSI PENGUATKUASAAN MARITIM MALAYSIA
Tingkat 16 dan 17, Menara Tabung Haji
Jalan Ayer Molek
80000 JOHOR BAHRU
JOHOR DARUL TA'ZIM



Tel: 07-2199400
Faks: 07-2236101
Laman Web: www.mmea.gov.my

Ruj. Tuan :

Ruj. Kami :

Tarikh : 16 Oktober 2018

SIARAN MEDIA

MARITIM MALAYSIA PATAHKAN CUBAAN MENYELUDUP

Johor Bahru, 16 Okt - Agensi Penguatkuasaan Maritim Malaysia (Maritim Malaysia), Negeri Johor berjaya mematahkan satu cubaan menyeludup rokok ke dalam negara melalui jalan laut. Cubaan menyeludup tersebut berjaya dipatahkan oleh sebuah bot peronda maritim sekitar 2.29 batu nautika utara Pulau Kukup pada jam lebih kurang 2.13 pagi semalam.

Yang Berbahagia Laksamana Muda Maritim Dato' Abu Bakar bin Idris, Pengarah Maritim Negeri Johor berkata, aset yang sedang bertugas di perairan johor barat bertindak berdasarkan maklumat pengesanan yang diperoleh dari Pusat Pengawasan Laut Tanjung Piai, Johor(ACC TG. PIAI). Terdahulu, ACC TG. PIAI melaporkan bahawa telah mengesan satu objek curiga yang dipercayai bot pancung sedang bergerak menuju masuk negara.

Bot peronda maritim yang beroperasi di perairan sekitar seterusnya berusaha mengesan bot yang dilaporkan itu. Katanya lagi, ketika dikesan bot pancung tersebut berada dalam keadaan gelap dan mencurigakan. Sebaik menyedari kehadiran bot peronda maritim, dipercayai seorang tekong dan 2 orang awak-awak telah memecut bot tersebut dalam usaha untuk mengelakan daripada dihampiri dan diperiksa.

Kesemua tekong dan awak-awak nekad terjun ke tebing berhampiran dan lari meninggalkan bot bagi meloloskan diri apabila bot mereka berjaya dipintas oleh bot peronda maritim yang dianggotai seramai 6 orang kru. Pemeriksaan lanjut mendapati bot tersebut membawa lebih kurang 136 tin (19 karung guni) dan 13 master case dipercayai rokok pelbagai jenama yang cuba diseludup masuk ke dalam negara. Nilai Rampasan rokok yang cuba diseludup ini dianggarkan bernilai lebih kurang RM 300,000.

Kes disiasat di bawah Seksyen 135(1)(e) Akta Kastam 1967. Bot beserta barang yang dirampas diserah kepada pegawai penyiasat bagi siasatan lanjut. Maritim Malaysia menyeru orang ramai dan komuniti maritim khususnya bagi menyalurkan sebarang maklumat/ aduan jenayah di laut atau yang berkaitan kepada pihak Maritim Malaysia.

-TAMAT-

Sebarang penjelasan lanjut boleh hubungi:

Leftenan Madya Maritim Muhamad Akwa bin Razak
Pegawai Perhubungan Awam
Agenzia Pengawal Maritim Malaysia
Ibu Pejabat Maritim Negeri Johor
Tel: 010-4043117
E-Mail: akwa@mmea.gov.my